



ORDENANZA FISCAL Nº 15

ORDENANZA REGULADORA DA TAXA POR ENTRADAS DE VEHÍCULOS A TRAVÉS DAS BEIRARRÚAS E RESERVAS DE VÍA PÚBLICA PARA APARCAMENTO EXCLUSIVO, PARADA DE VEHÍCULOS, CARGA E DESCARGA DE MERCADORÍAS DE CALQUERA CLASE

Artigo 1º. Natureza e fundamento

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, Reguladora das Bases do Réxime Local, e os artigos 20 e 57 do Real Decreto Lexislativo 2/2004, polo que se aproba o Texto Refundido da Lei Reguladora das Facendas Locais, e de conformidade co disposto nos artigos 15 a 19 do citado Real Decreto Lexislativo, o Concello de Lalín acorda a imposición e ordenación da Taxa por entradas de vehículos a través das beirarrúas e reservas de vía pública para aparcamento exclusivo, parada de vehículos, carga e descarga de mercadorías de calquera clase e outros usos similares.

Artigo 2º. Feito imponible

1.- Constitúen o feito imponible da Taxa a utilización privativa ou aproveitamento especial do dominio público municipal con entradas de vehículos a través das beirarrúas e terreos de uso público, reservas de vía pública para aparcamento exclusivo, parada de vehículos, ou para carga e descarga de mercadorías de calquera clase e outras reservas análogas.

2.- Nos supostos de entrada de vehículos ou carruaxes, o feito imponible realízase aínda nos casos en que non sexa precisa a reserva de vía pública por estar o acceso situado en zona de aparcamento prohibido.

Artigo 3º. Suxeitos pasivos

Serán suxeitos pasivos desta taxa as persoas físicas ou xurídicas e as entidades ás que se refire o artigo 35.4 da Lei 58/2003, do 17 de decembro, Xeral Tributaria que gocen, utilicen ou aproveiten especialmente o dominio público local en beneficio particular, consonte algún dos supostos citados no artigo segundo.

- Serán suxeitos pasivos substitutos do contribuínte desta taxa os propietarios dos terreos e locais ós que den acceso ditas entradas de vehículos, os cales poderán repercutir, no seu caso, as cotas sobre os respectivos beneficiarios.

Artigo 4º. Responsables

- Responderán solidariamente da débeda tributaria as persoas ou entidades a que se refire o artigo 42 da Lei 58/2003, do 17 de decembro, Xeral Tributaria.
- Responderán de forma subsidiaria da débeda tributaria as persoas ou entidades a que se refire o artigo 43 da Lei 58/2003, do 17 de decembro, Xeral Tributaria.

Artigo 5º. Cota tributaria

A cota desta taxa será a que figura no anexo desta ordenanza.

Artigo 6º. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Artigo 7º. Devindicación

Devindícase a taxa e nace a obriga de contribuír:

- Nos aproveitamentos temporais ou por períodos inferiores ó ano, cando se inicie o uso privativo ou aproveitamento especial, momento que, a estes efectos, se entende que coincide co da concesión da autorización, e o período impositivo comprenderá o tempo autorizado.
- Nos servizos de retribución periódica, a taxa devindícase o primeiro día do período impositivo que comprenderá o ano natural, salvo nos casos de alta ao longo do período impositivo, en cuxo caso devindícase no momento de iniciarse o uso ou aproveitamento e nos de cese do mesmo, casos ambos no que o período impositivo se axustará a esta circunstancia rateándose, no seu caso, a cota por trimestres naturais.

Artigo 8º. Liquidación

- Cando se trate de servizos puntuais, liquidarase e esixirase a taxa correspondente en calidade de depósito previo, en todo caso antes de iniciarse o expediente de concesión ou autorización do aproveitamento solicitado.
- Cando se trate de servizos de retribución periódica, liquidarase a taxa nos períodos que se sinalen na tarifa da taxa ou co padrón anual de exaccións municipais.
- Se se realiza o aproveitamento ou utilización do dominio público municipal sen mediar concesión ou autorización, liquidarase e notificarase a débeda, esixindo o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

Artigo 9º. Ingreso

O pagamento desta taxa realizarase:

Nas liquidacións de contraído previo, na Tesourería municipal ou nas entidades financeiras que na notificación se sinalen.



- Nas liquidacións por recibo ou padrón, nas datas e entidades financeiras ou oficinas que se sinalen no edicto de exposición pública do padrón.

Artigo 10º. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

Artigo 11º. Normas de xestión

- As persoas ou entidades interesadas na concesión ou autorización para realiza-los aproveitamentos sobre o dominio público municipal a que fai referencia esta taxa deberán presentar unha solicitude achegándolle o plano, o detalle da superficie do aproveitamento e da súa situación dentro do termo municipal, indicando, no seu caso, o número de prazas de garaxe no suposto de aparcamento colectivo.

-Concedida a licenza, previos os informes oportunos, o interesado ingresará no seu caso, a cota correspondente á entrega de placa de vado identificativa. Efectuado este pago, o interesado ou persoa autorizada polo mesmo retirará das dependencias municipais, previa presentación da carta de pagamento, a placa numerada segundo o modelo homologado polo Concello, para a súa colocación no lugar autorizado.

-Nos supostos de aproveitamentos especiais continuados, o suxeito pasivo ingresará a cota proporcional ó ano da alta. A estes efectos, liquidarase a taxa rateando a cuota anual por trimestres naturais.

- Nos servizos de retribución periódica, tratándose de aproveitamentos xa autorizados e prorrogados o día 1 de xaneiro de cada ano, a taxa xestionarase mediante padrón que, unha vez aprobado polo órgano competente, exporase ao público e publicaranse os anuncios de exposición conforme á normativa vixente. As altas producirán a incorporación dos suxeitos pasivos ao padrón do período impositivo seguinte a aquel no que se efectúen.

- No caso de denegarse as autorizacións, os interesados poderán solicita-la devolución da taxa ingresada en calidade de depósito previo, no seu caso. En ningún caso, o inicio do procedemento de xestión ou o pago da cota implicará que se entendan como autorizadas polo Concello de Lalín as distintas ocupacións ou reservas.

- Unha vez autorizada ou concedida a licenza de aproveitamento entenderase prorrogada mentres non presente a declaración de baixa o interesado.

Cando remate o aproveitamento, os suxeitos pasivos formularán as declaracións de baixa no censo ou padrón da taxa e surtirá efectos no período natural seguinte ó de presentación da mesma, podendo, no seu caso, ratearse por trimestres. A non presentación da baixa determinará a obriga de continuar aboando a taxa. A baixa no padrón de contribuíntes esixe como requisito ineludible a devolución ó Concello da placa de vado numerada.

ANEXO

Primeiro. Tarifa.

1.-A estrutura e contía desta taxa será a seguinte:

A).-Por entradas de vehículos ou carruaxes con licenza de vado, en garaxes de uso particular ou en garaxes a aparcadoiros de establecementos comerciais, industriais ou de servizos para uso exclusivo e gratuíto do seu persoal e/ou clientes ó ano, segundo as categorías de rúas establecidas na Ordenanza Xeral reguladora da clasificación por categorías das Rúas:

1. En rúas de primeira categoría:

1 A 3 PLAZAS	63,57
4 A 10 PLAZAS	127,15
11 A 20 PLAZAS	254,3
21 a 30 PLAZAS	423,82
31 A 40 PLAZAS	593,36
MAIS DE 40 PLAZAS	762,89

2- En rúas de 2ª categoría

1 A 3 PLAZAS	54,04
4 A 10 PLAZAS	104,91
11 A 20 PLAZAS	212,98
21 a 30 PLAZAS	354,97
31 A 40 PLAZAS	496,95
MAIS DE 40 PLAZAS	638,94

3.- En rúas de 3ª categoría

1 A 3 PLAZAS	44,51
4 A 10 PLAZAS	89
11 A 20 PLAZAS	178
21 a 30 PLAZAS	296,68
31 A 40 PLAZAS	415,35
MAIS DE 40 PLAZAS	534,02

1 B).-Por entradas con licenza de vado, en talleres de lavado e engrase, de reparacións, e almacéns, ó ano 170,23 €.

C) Por entrega de placa de vado identificativa 6,81 €

D).- Reservas permanentes para autotaxis, por cada vehículo, ó ano 20,42 €.

2.- Para a determinación do número de prazas, tomarase como tal o que sexa maior dos seguintes:

a) O número de prazas en que se encontre efectivamente dividido o local.

b) O resultado de dividir entre 20 a superficie total, en metros cadrados, do mesmo, incluído



rampas, zonas comúns, etc. No caso de ser descuberto, dividirase entre 30.

3.- Os parques e prazas públicos asimilaranse, aos efectos desta taxa, as rúas da categoría máis alta daquelas que os circundan. Cando a entrada se sitúe na confluencia de dúas rúas, aplicarase a tarifa correspondente á de categoría máis alta. No caso de garaxes con dúas ou mais entradas situadas en rúas de distinta categoría, aplicarase o coeficiente correspondente á de categoría máis alta.

4.-No caso de entradas de vehículos ou carruaxes que sirvan de acceso a dous ou máis garaxes, os suxeitos pasivos satisfarán cotas individualizadas por cada garaxe.

5.- No caso de garaxes con máis de un uso, que dean lugar á suxeición a tarifas distintas, aplicaráselle a tarifa máis alta.

Segundo. Data de aprobación e entrada en vigor.

A presente modificación desta ordenanza entrará en vigor o día da súa publicación no Boletín Oficial da Provincia, e será aplicable a partir do 1 de xaneiro do 2016, permanecendo en vigor ata a súa modificación ou derogación expresa.

Modificación aprobada no ano 2011 que entrou en vigor a partir do 1 de xaneiro do 2012.

Última modificación aprobada no Pleno da Corporación de Lalín o día 21 de decembro de 2015 e publicada no BOP o día 23 de decembro de 2015